

պետութեան անկախութեան ճանաչման և ինքնիշխանութեան հիմունքների վրա: Իմ կառավարութեան լիազօրւած պատուիրակութեանն արդէն ձեր հանրապետութեան սահմաններում է յիշւած բանակցութիւնները ձեր կառավարութեան հետ վարելու համար. № 2740»:

Մայիս 17-ին Զիչերինը պատասխանեց. «Խորհրդային կառավարութիւնը սրանով յայտնում է իր համաձայնութիւնը կնքելու Հայաստանի կառավարութեան հետ պայմանագիր՝ երկու ժողովուրդներին միջև բարեկամական յարաբերութիւններ հաստատելու նպատակով: Խորհրդ. կառավարութիւնը սպասում է ձեր պատուիրակներին, որոնք արդէն ճանապարհւել են դէպի Մոսկւա: Ձեր պատուիրակութեան Մոսկւայից Երևան հաղորդակցութեան մէջ մտնելու տեխնիկական դժարութիւնները վերացնելու նպատակով տրամադրեցինք մեր ուղիղ հեռագրաթելը՝ Ռոստովի և Թիֆլիսի վրայով: Խնդրում ենք այդ մասին նախօրօք համաձայնութեան դալ Վրաստանի կառավարութեան հետ: № 150»:

Թէ՛ Մոսկւայում այդ օրերին ինչ տրամադրութիւն էր տիրում հայերի և Հայաստանի նկատմամբ, ցոյց է տալիս Ղարաբաղի կոմիտէի ներկայացուցիչներ Ա. Երզնկեանի և Ս. Փիրումեանի գեկուցումը՝ տպւած Թիֆլիսի «Մլօզ» թերթում: «Պատուիրակ Երզնկեանի ընդարձակ գեկուցումից յետոյ, դրում է թերթը, առանձնապէս ուշադրաւ էր ուսուական շրջանակներում ստեղծւած այն բնորոշ տրամադրութիւնը, որ առաջացել էր նախքան հայկական պատուիրակութեան Մոսկւա մեկնելը, թիւրք-թաթարական պրովոկացիայի շնորհիւ՝ նպատակ ունենալով մոլորութեան մէջ պահել Ռուսաստանի հասարակական կարծիքն ու նրա ղեկավար շրջանները: Պատուիրակները Մոսկւա հասնելով՝ շարած են մտնում այն ստերի վրա, որսնցով կերակրելիս են եղել ընթերցողներին կառավարական օրգանները — «Իգվէստիա»-ն, «Պրաւդա»-ն և այլ թերթեր:

Այդ լրագրական յօդւածներում շարունակ այն միտքն է արծարծւել, թէ՛ Հայաստանը, Լեհաստանի նման, դաշնակիցների գործիքն է, թէ՛ խմբերիախոս դաշնակիցները համարեա թէ՛ ամէն օր Հայաստան են ներմուծում լեռների շափ ոտորամթերք, դիմազործական արհեստանոցներ, որոնք առանց դադար առնելու՝ ուղղամթերք են պատրաստում, թէ՛ գործք փայլուն կերպով է դրւած և երկաթուղային ցանցի վրա աշխատանքը ետում է: Ամբողջ աշխարհի բուրժուաները հաւաքւել են Հայաստանում շահագործելու համար պրոլետարիատին և այնպիսի քաղաքականութիւն են մտցրել, որ ուղղւած լինի սոցիալիստական Ազգրէշանի և սոցիալիստական Տաճկաստանի խեղճ ու կրակ աշխատաւոր զանգւածների դէմ: Այդ երկու երկրների մուսուլման ժողովուրդները հանդիստ չունեն հակայեղափոխական հայոց կառավարութեան հսկայաթիւ գորքերի նւաճողական յարձակումներից: Հայ հակայեղափոխականների ձեռքով ստեղծւած Ղարաբաղի անցքերի ժամանակ տուժեցին ոչ թէ հայերը, այլ խորհրդային իշխանութեան մշտական կողմնակից մուսուլման աշխատաւորութիւնը:

Այդ անպատկառ գործունէութիւնը մերկ, քաղցից ու ցրտից մեռնող Հայաստանի դէմ վերջին տարիներս վարում էին կոմունիստական դիմակի տակ ծածկւած Խալիլ փաշաները, Կադանի թաթարները, որոնք արտօնեալ դերը ունէին Մոսկւայի ազգային գործերի ժողովրդական կոմիտարիատում, և իրենց կոմունիստ անւանող Բազուի թաթարները:

Ռուս հասարակութիւնը, որ դեռ ցարական ժամանակաշրջանում անտեղեակ էր կովկասեան գործերից, յեղափոխութեան վերջին երեք տա-